


Por fin e busto traha pa escultor Maritza Erasmus a haya su lugar mereci



ORANJESTAD (AAN) -- Cu satisfaccion por a tuma nota, cu por fin e busto bieu di e insigne Arubiano señor Daniel Leo (di feliz memoria) a worde reemplaza pa esun cu e escultor Maritza Erasmus a traha varios aña atras, y cu a

keda cera den su sala di trabao na Instituto di Cultura pa tempo largo.

Awor Plaza Daniel Leo a haya un otro cara, y ayera mainta tabata tin diferente Arubiano cu ta traha den e area aki, cu a bay para un rato admira e hunita trabao aki. v

sclama "ki diferencia!"

Na e momento ey un reportero di DIARIO tabata den e lugar, tambe pa goza di e cambio, y a puntra algun di e Arubianonan aki, si nan sa ta ken ta e escultor cu a traha e estatua.

Pa sorpresa, tin cu a kere cu e busto aki a bin for di Venezuela!

Pues no ta asina. Aunque hopi ta esnan cu sa, ta bon pa esnan cu no sa ainda ta na haltura awor, cu Maritza Erasmus ta

e prome Arubiano cu a gradua como escultor na Puerto Rico, unda el a destaca como un estudiante creativo cu por a presenta su arte den diferente exposicion, prome cu el a gradua mes.

Di su calidad di trabao no por bisa otro, sino cu e ta excelente!. Pesey na dadq momento el a worde acerca pa traha un busto nobo pa Daniel Leo, cual pa un of otro motibo a tarda pa ocupa su lugar merece.

Ta na su lugar pa henter nos comunidad sa ta ken a traha e escultura aki, uno digno di e persona cu ta worde honra cune, y maske cu Maritza Erasmus no ta gusta duna su mes publicidad ni pa e worde busca pa esaki, un corant responsable y orguyoso di su talentonan local, no por keda sin duna Cesar loke ta di Cesar, y esey ta e motivo pa cual DIARIO ta trece su nomber dilanti den e articulo cortico aki.

Diario. - (14 di juli 2000). p.16